



259513

kat.komp.




Mag. St. Dr.



Biblioteka Jagiellońska



stdr0000295





M A

Proprietor and Co.

of the

of the

of the

of the

of the

of the

of the

of the

of the

of the

of the

of the

of the

of the

of the

of the

of the

of the

of the

of the

of the

of the

of the

C R A C O V

Office Typ. Machine and Co.

[Faint, illegible text, likely bleed-through from the reverse side of the page. The text appears to be organized into several paragraphs and possibly a list or table.]

brak u jstn.
206, xii, 584



EXAMEN

Approbatorum ad S. Confessi-
ones excipien-
das.

ET

Ad Parochias obtinendas, secundum mo-
dum ac ordinem per Illustrissimū ac Re-
verendissimū D. D. MARTINUM SY-
ZKOWSKI, Dei & Apostolicæ Sedis
Gratiæ Episcopum Cracoviensem, Ducem
generalem in Synodo Diocesana, An-
no Domini M. LXXI. traditum, in
vndecim Titulos distributum.



259513

Auctor F. Nicolaus Moscorzki, Doctor P. Pro-
lego, Cracoviae.

Cum licentia superiorum.



CRACOVIAE.

In Officina Typ. Marchiae Andronowicz, Anno 1771.



Illustrissimo, Reuerendissimo,

AC

DOMINO MARTINO
SYSZKOWSKI,
Episcopo Cracouiẽ, Duci Seuerieĩ.



FR. NICOLAVS MOSCICEN. D. T. Ord. Prædic.
in signum debitæ Reuerentiæ offert ac dicat.

✠ ✠

T I T V L I.

- I. De Sacramento Pœnitentię in genere.
- II. De Confessario, Ministro Sacramenti Pœnitentię.
- III. De Contritione.
- IV. De Confessione.
- V. De Satisfactione.
- VI. De Absolutione.
- VII. De Sigillo.
- VIII. De Restitutione.
- IX. De Vſura.
- X. De Simonia.
- XI. De Censuris.

TITVLVS I.

De Sacramēto Pœnitentiæ in genere.

Habet puncta Nouem.

PVNCTVM I.

Ad quem finem sunt instituta Sacramenta nouæ legis?

R. Ad salutem humanam.

Porro salus hominis duplex. Prima seu proxima, vel inchoata per gratiam, quæ à Theologis iustificatio dicitur. Et ultima seu consummata per gloriam, quæ beatitudo appellatur. Sacramenta vero nouæ legis ad utramq; ordinantur.

PVNCTVM II.

Quotuplex est gratia, quæ per Sacramenta nouæ legis confertur?

R. Duplex. Prima. Et secūda, quæ augmentum gratiæ dicitur.

Prima vocatur: ante quam immediate homo Deo gratus non fuit, sed mortuus per peccatum originale, vel mortale. Vnde duo Sacramenta, scilicet Baptismus & Pœnitentia, (quæ sola, hanc primam conferunt gratiam) dicuntur Sacramenta mortuorum. Secunda vero gratia appellatur, quando in homine gratia, seu vita spiritalis inuenitur, & augmentum tantum gratiæ accedit. Vnde reliqua quinque Sacramenta dicuntur viuorum, in quantum præsupponunt

vitam spiritualem in homine, & augmentum gratiæ conferunt.

PVNCTVM III.

Quomodo Sacramenta sunt necessaria ad salutem?

Quædam Simpliciter, id est, omnino necessaria, qualia sunt tria. Ordo respectu totius Ecclesiæ, quamuis non respectu singulorum. Baptismus vniuersaliter, quo ad omnes & singulos. Pœnitentia respectu eorum, qui post Baptismum peccauerunt mortaliter.

Alia sunt necessaria ad bene esse, id est vtilia, vt reliqua Sacramenta. D. Thom. 3. q. 65. art. 4. Et q. 73. art. 3.

Quomodo autem sint necessaria necessitate præcepti, & quid sit necessarium præcepti & mediij. Vide Bellar: T. 2. lib. 1. cap. 22. Et Gregorium Valentia T. 3. disp. 1. q. 2. p. 2.

PVNCTVM IV.

Quis finis Sacramenti Pœnitentiæ?

R. Remissio peccatorum, vel iustificatio hominis lapsi in peccatum mortale post Baptismum.

PVNCTVM V.

An Sacramentum Pœnitentiæ habe-

at illa tria, more aliorum Sacramen-
torum, scilicet, materiam, formam, &
ministrum?

R. Habet. Et quidem materia
remota, sūt peccata mortalia. Pro-
xima verò sunt actus Pœnitentis,
contritio, confessio, & satisfactio:
seu peccata contritione, confessio-
ne, ac satisfactione præparata vel
expolita. Forma est absolutio. Mi-
nister verò Sacerdos.

PUNCTUM VI.

Per Sacramentum Pœnitentiæ, de-
leturne omnis culpa?

R. Ita. Et aliquando quidem di-
rectè, aliquando verò indirectè. Di-
rectè illa quæ manifestatur in confes-
sione. Indirectè, quæ per obliuionem
inculpabilem, vel inaduertentiam,
aut etiam ignorantiam inuincibilem,
non exprimitur, semper tamen is, qui
sic omisit peccatum mortale, habet an-
nexam obligationem ad manifestan-
dum illud & subyciendū clauibus Ec-
clesiæ in Confessione, quandocunq; in
memoriam venerit.

PUNCTUM VII.

Dimittiturne etiam Pœna?

R. Dimittitur, sed regulariter
non tota. Nam æterna ex toto re-
mittitur: Tēporalis verò remanet.

PUNCTUM VIII.

Quomodo dimittitur æterna?

R. Concomitanter seu ex con-
seq^uenti. Suar. d. 16. s. 2.

Declaratio.

IN peccato mortali sunt duo. 1. A-
uersio ab incommutabili bono. 2. Et
conuersio inordinata ad commutabile
bonum. Et quidem auersione illam
consequitur reatus pœnæ æternæ,
vt qui contra æternum bonum pecca-
uit, in æternum puniatur. Conuer-
sionem autem inordinatam ad com-
mutabile bonum, consequitur reatus
alicuius pœnæ. Iustum enim est, vt
qui voluntati suæ plus indulsit, quàm
debit, contra voluntatem suam ali-
quid patiatur. Et quia conuersio ad
bonum commutabile est finita, ideò
Pœna ei correspondet temporalis.

Quando igitur per gratiam remit-
titur culpa, tollitur auersio animæ à
Deo, in quantum anima Deo per gra-
tiam coniungitur, ac consequenter si-
mul tollitur reatus pœnæ æternæ,
sublato namq; principali, aufertur ac-
cessorium vel concomitans: potest ta-
men remanere reatus alicuius pœnæ
temporalis. Separari enim potest à
primo, vt docet D. Th. 3. q. 86. ar. 4.
c. 1. 2. Caiet. ibidem & Poret. Suar.
in 3. part. T. 4. disp. 10. sect. 2. & 3.
per totum.

PUNCTUM IX.

Semperne remanet reatus pœnæ tem-
poralis, dimissa culpa mortali?

R. Non semper. Quia aliquan-
do tota pœna remittitur, aliquando
plus minusuè, secundum modum
propriorum actuum, qui sunt ma-
teria

teria Pœnitentiæ. Quod non est ex defectu misericordiæ diuinæ, sed ex defectu pœnitentiæ hominū, quia scilicet aliquorū conuersio ad De-

um, non est tanto spiritus feruore facta, vt sufficiat ad tollendam etiam pœnam temporalem. D. T. Porret: a. 4. append.

TITVLVS II.

De Ministro Pœnitentiæ.

Habet puncta 12.

PVNCTVM I.

Quæ & quot conditiones requiruntur in Confessario, Ministro Sacramenti Pœnitentiæ?

Sex. Potestas, Scientia, Prudentia, Bonitas, Sigillum, & Fortitudo.

PVNCTVM II.

In quo differunt Potestas Ordinis & Iurisdictionis?

In duobus. 1. In separabilitate ab inuicem, quod signum est realis distinctionis, nam & Potestas Ordinis potest inueniri absq; Iurisdictione. Quia in Conciliis absolute dicitur, sacerdotem posse carere omni Iurisdictione ad absol- uendum.

Et potestas Iurisdictionis potest esse absque Potestate Ordinis, vt quando non Sacerdos recipit beneficium Parochiale, accipit Iurisdictionem & nō Ordinem. Suarez T. 4. disp. 16.

2. Differunt in modo acquirendi. Nam potestas Ordinis ex Or-

dinatione seu ex vi consecrationis sacerdotalis: Potestas verò Iurisdictionis seu Iudiciaria acquiritur per prælationem super aliquā multitudinem, & exigit subiectionem, aliquorū, vel subditū. Suar. d. 16. s. 3

Pro maiori declamatione sciendum, quod duplex est Potestas Ordinis, scilicet super corpus Christi naturale, seu verum. Et est illa quam Sacerdos suscipit ad consecrandum: dum ei porrigitur Calix cum vino, & patena cum hostia. Et super corpus Christi mysticum, quatenus ex diuina ordinatione per characterem, sacerdos deputatur & consecratur, vt possit esse Minister & Iudex animarum in foro pœnitentiæ. Unde habilitatem ad percipiendum Iurisdictionem consequitur tunc, quando datur ei potestas remittendi peccata.

Alia subdiuisio.

Potestas Iurisdictionis duplex. In foro interno, & externo. In foro interno duplex: Ordinaria & delegata seu ex commissione.

PUNCTVM III.

An in aliquo casu non sacerdos possit ministrare Sacramentū Pœnitentiæ?

R. Suarez disp. 24. Nullo modo potest: neque aliqua necessitate urgente, neque dispensatione accedente.

Estq. de Fide. Quia in Conc. Trid. Sess. 14. Can. 10. ita definitur. Et quia Pœstas Clauium fundatur in charactere Sacerdotali, Hinc apparet contrariam opinionem antiquorū iam correctam esse & antiquatam, Sot: 4. distin. 18. quæst. 4. a. 1. Concl. 3.

PUNCTVM IV.

Quæ Scientia requiritur in Confessario?

Duplex potest inueniri. Eminens, omnibus numeris absoluta: Et sufficiens.

Eminens est, quando Confessor utraque Practica Theologia pollet, scilicet, morali & Sacramentali. Iuris quoq; præsertim Canonici peritiam habet, Constitutionesque Synodales tenet.

Sufficiens: latitudinem habet, nam pensatis circumstantiis locorum, temporum, ac personarum, iuxta prudens iudicium, aliquando maior, aliquando minor requiritur: adeo ut interdum satis sit intelligere, quæ frequentius accidunt, & de alijs scire dubitare. Nam cum dubitat, potest legendo, vel alios consulendo cognoscere, quid agē-

dum sit, & quomodo procedendum atque adeo dignè suo munere fungi.

PUNCTVM V.

Hæc scientia sufficiens regulariter, ad quot Capita reduci potest?

R. Ad tria. Ad Scientiam inquisitiuam, iudicatiuam, & medicatiuam.

Ad inquisitiuam pertinet nosse & intelligere præcepta Dei, Ecclesiæ, septem capitalia peccata, & peccata sensuum, aliena, diuersorūq; statuum.

Ad Iudicatiuam, quod sit discrimen inter mortale & veniale, quæ sint circumstantiæ peccatorum, quæ peccata sint reseruata, quæ Censuras & irregularitates annexas habeant, quæ restitutionem famæ vel rerum, quando deneganda vel differenda absolutio, ut si sit in statu damnationis, scilicet habendo voluntatem perseuerandi in peccato.

Ad Medicatiuam pertinet, obstinatos in peccato emolire, & conuersionem persuadere, per incusionem timoris, ob pœnas inferni, incertitudinem horæ mortis, & alias pias considerationes, ac exempla, quæ omnia suppeditabūt ex libris spiritualibus.

Timidos consolari.

Scrupulosos tranquillare.

Tepidos excitare.

Proficientes iuuare.

Feruenter temperare.

Hic duo sunt notanda. 1. Dicta

cognitio

cognitio non est sic exigenda, vt Confessarius in promptu habeat omnes excommunicationes, omnes casus, reseruatos, Irregularitatis species. Sc. Satis est, quod audiens confessiones reminiscatur, vel saltem hæsitet, ut ad querendum consilium moueatur. 3. Peccat grauitèr Sacerdos, ingerens se huic ministerio absq; sufficienti scientia, neque excusare potest obedientia aut commissio per Episcopum facta. Quod si Sacerdos ex scrupulo dubitet se sufficientem, in tali tantum casu ad iudicium superioris dicentis eum esse idoneum, debet deponere dubium, quando euidentissime aliud non constat.

P V N C T: VI.

Quæ Regule ad discernendum peccatum mortale à veniali?

R. Sunt varix à variis traditæ. Nauar. prælu. 9. n. 8. talem ponit. Peccatum mortale, est peccatum contra præceptum diuinum, vel humanum, promulgatum, receptum, & non derogatum, æterna poena munitum, vel contra aliquid pro tali habitum, vel an tale sit dubitatum, quod ignorantia, subreptio, vel paruitas rei, aut dispensatio iusta, vel causa iusta, quo ad legem humanam ab ea non excusat, vel contra diuinum consilium cõtempum, vel contra salutem animæ proximi spretam, vel ob finem malum, vel in quo finis vltimus poni-

tur. Declarationē vide ibi.

Possset tamen loco Regule triplex differentia inter mortale & veniale assignari, qua intellecta facilius erit discernere vnum ab alio. Nam differunt natura, obiecto, & effectu. Natura quidem: Nam mortale est contra charitatem, veniale verò præter charitatem.

Obiecto: Nam mortale habet pro obiecto grauem iniuriam. Veniale verò leuem. Vnde mortale dicitur, cum notabili iniuria Dei, proximi, aut sui ipsius. Vide Val. 12. disp. 6. p. 2. 3.

Effectu. Quia mortale æterna poena punitur: Veniale verò temporali.

P V N C T: VII.

Peccatum ex natura sua mortale, quot modis transit in veniale?

R. Tribus modis. 1. Ratione imperfectionis actus. 2. Propter surreptionem, vel imperfectam deliberationem. 3. Ratione paruitatis materiæ. Decis. c. 6. Nauar.

P V N C T: VIII.

Veniale verò in mortale?

R. Quinq; modis. 1. Si in eo finis statuatur. 2. Si ordinetur ad finem peccati mortalis. 3. Propter conscientiam erroneam. 4. Ratione scandali. 5. Ob contemptum. Vide Decis. lib. 1. cap. 6. n. 19.

P V N C T: IX.

Quæ bonitas de necessitate in Confessario requiritur?

R. Duplex. Altera de iure naturali, scilicet fidelitas, vt fideliter cum intentione seria, non ficta, nō ludicra, negotium exequatur. Nā si iocose & nō serio proferret formā absolutionis, nihil faceret. 2. De iure positiuo, vt censuris non sit irretitus, modo quo infra dicetur, puncto II.

PVNCTVM X.

Confessarius conscius peccati mortalis, peccatū ministrando Sacramentum, præsertim exigente subdito.

R. Peccat mortaliter.

Ita D. Tb. 3. q. 64. a. 6. Sed debet conari, vt habeat contritionem. De qua si dubitet ex probabilibus coniecturis, debet confiteri, & sic reponi in gratia. Medulla part. 3. cap. 1. § 6.

Quod si in utroq; difficultatem sentiat, sibi imputet, quod cum ad tale officium ineptus esset, ausus fuerit ipsum suscipere. Itaq; alium ministrū substituat, aut bonis modis differat, aut certe si instat necessitatis casus, recolligat se serio & cum Dei auxilio, non erit impossibilis acquisitio contritionis.

PVNCT: XI.

An Excommunicatus possit esse minister Sacramenti?

R. Excomunicatus vitandus, nimirum ob notoriam Clerici percussione, & quia nominatim denunciatus seu publicatus est, potest in

casu extreme necessitatis ipsius pœnitentis: vt cum est in articulo vel periculo mortis, neque alius idoneus inuenitur: extra casum necessitatis, Sacramentum est inualidum nisi pœnitens ignoret excommunicationem; vt si in vno loco sit excommunicatus, & recesserit ad remotissimum, ibique ad Confessiones audiendas admittatur; tunc enim absolutio bona fide suscepta valida est, conferente Ecclesia tunc iurisdictione propter bonum commune. *Nauar. cap. 9. n. 10.*

Porro Excommunicatus non vitandus, scilicet extra illas duas causas modo expressas: validè absoluit, quia occultus, benignitate Ecclesiæ non est priuatus iurisdictione, quamuis pœnitens sciat sacerdotem esse excommunicatum, dummodo pœnitens habeat aliquam cōmunem necessitatem, etiā citra extremam, & non possit commodè differre; vt si tempore communionis Paschalis, non adsit alius idoneus Confessor. Peccatum autem esset inducere absq; vlla necessitate, & debito quo alius tenetur.

PVNCT: XII.

An debeat interrogari pœnitens de peccatis, quando, & quomodo, seu quo ordine?

R. Debet interrogari pœnitens per Confessarium sub peccato mortali. 1. Non quoad omnia, quæ poterat

terat poenitens cōmisisse sed ea tantum quæ communiter eius status homines admittere solent.

2. Consueta peccata tantum inuestigari debent, & vſitatoria, non quæ perditissimi inuenerunt.

Tunc autem debet Confessor interrogare, quando animaduertit & credit esse necessarium ad integram & fructuosam confessionem. Videlicet. Quando existimat poenitentem, ob ignorantiam, inconsiderationem, negligentiam, obliuionem, metum, ac verecundiam, malitiam uè omittere velle.

P V N C T: XI.

Quomodo?

R. Prudenter, præsertim in carnalibus. *Nauiar. cap. 5. n. 4.*

P V N C T: XII.

Quo ordine?

R. Prudentiæ Confessoris committitur, prout ei expedire videbitur. Nihilominus à remotis, non de propinquo à minoribus & cōmuni-
nioribus ad maiora & magis particularia, à cogitationibus ad verba, ad visum, ab his ad opera.

T I T V L V S III.

De Contritione.

Habet puncta Octo.

P V N C T V M I.

Quæ dispositio requiritur in Poenitente?

R. Vt Poenitens sit contritus vel ad minus verè attritus, talis enim postea ex attrito fit contritus per informationem gratiæ in Sacramēto. Non sufficit autem putata attritio, etiamsi adsit ignorantia inuincibilis, siue iuris siue facti, per quam excusatur homo à noua culpa, sed non consequeretur effectum. *Suarez.*

P V N C T: II.

Quomodo Contritio & Attritio differunt?

R. Multis modis. 1. In essentia, quæ ex diuersis motibus attenditur. Nam attritio est efficax detestatio, & (qui cōsequitur) dolor de peccato ex metu gehennæ à Deo infligendæ; vel ex consideratione turpitudinis peccati, contra Dei regulam admissi. Contritio verò est detestatio aut dolor ex amore Dei super omnia, quatenus peccatum est contra bonum Dei in se, hoc est Deum infinitè bonū, & consequenter super omnia diligendum, eiusque dissoluit amicitiam.

2. Hinc sequitur, quod attritio est detestatio imperfecta, contritio verò perfecta. 3. Quoad effectum, quia attritio solitariè sumpta, remotè & insufficienter disponit ad gratiam; cum Sacramento autem sufficienter. At Contritio ex se sufficienter & absque Sacramento in re. *Vide Suarez. Tom. 4. disp. 5. sect. 1.*

P V N C T: III.

Quomodo quis probabiliter posset cognoscere se habere Contritionem vel Attritionem?

R. Ex tribus. 1. Ex instinctu diuino: Vnctio enim Dei docebit omnia. 2. Ex iudicio humano perpenſis benè conditionibus contritionis & attritionis, & præsertim motuiſ doloris, ex quo scilicet motiuo dolor procedat. 3. Ex quibusdā signis, vt si quis pudore afficitur vel admiratione, quod tam facile peccata admiserit: si forti animo non velit incidere in peccatum, etiam si præterita occasio offerretur: si ferio vult satisfacere pro commissis: si proponit firmiter non admittere peccatum in futurum: si vitam emendare toto conatu desiderat: si ita odit, vt mallet omnia mala in communi pati quàm peccare. Non tamen requiruntur comparationes in particulari, ad eligendū magis hoc vel illud genus mortis, quā peccatū.

In Authoribus inueniuntur varia signa. Praxis fori pœnit. &c.

P V N C T: IV.

Contritio quibus modis acquiri potest?

R. Duobus. 1. Auxilio diuino, per orationes & alia pia opera, implorando. 2. Per considerationes, tum iudiciorum diuinorum, tum beneficiorum, tum etiam excellentiæ Dei, necnon finis hominis à Deo præstituti, & periculorum vitæ, præteritorū, ac futurorum.

P V N C T: V.

An Contritio aliquando sit in præcepto?

R. Est. 1. Quando minister Ecclesiasticus cōsciūſ mortalis est ad ministraturus Sacramentum, vel actum Ordinis exerciturus, qui exigit, vt minister sit sine peccato mortali: tunc enim vel conteri, vel certè confiteri debet, si est tantū attritus. 2. Si aliquando necessitate urgente celebraturus est, nec potest habere copiam Confessoris. 3. Quilibet in articulo mortis positus, aut in probabili periculo vitæ, non habēs copiam Confessoris. 4. Casu orationum in magno periculo Reipub. cui non aliter, nisi per orationis feruorem succurri potest.

P V N C T: VI.

An debeat quis conteri de singulis peccatis, an verò de omnibus in communi & quando?

R. Est inter

R. Est inter antiquos & modernos opinionum diuersitas.

Itaque videtur respondendum dupliciter. 1. Quod in hoc sunt duę opiniones Doctorum celeberrimorum, & propterea licet sequi quamcunque quis elegerit, præsertim benigniorem, mitiorem, fauorabilemque. Caiet. in Summa V. Contritio, docet, quod sufficit ad salutem, quod homo qui multa habet peccata mortalia detestetur omnem suam mortalem in Deum offensam. &c. Sic namq; Contritio generalis, est contritio virtualiter attingens omnia, & singula commissa, etiam oblita. Nec exigitur ad salutem habere singulas contritiones iuxta singula peccata, nec secundum numerum, nec secundum species peccatorum. *Idem docet Suar. in 3. par. tom. 4. q. 85. disp. 3. Sect. 8. Poteris videre eund. d. 4. Sect. 6. & disp. 20. Sect. 2. 3. De integritate, & Sect. 4. § Attritionem vniuersalem. Et § Annecessse.*

2. Respondeatur, quod D. T. doctrina sane intellecta non videtur esse dum, quia in veritate fundatur. Nam de Contritione possumus loqui dupliciter. 1. per se, regulariter, ac in ordine ad confessionem: Et ita exigitur singulorum peccatorum, singula, ad instar Confessionis, quæ etiam debet esse singulorum mortalium, & non deest occasio temporisq; copia ad hoc: si quidem qui libet tenetur præmeditari, ante Con-

fessionem peccata, & quidem non sine contritione id faciet, sed cum amaritudine animæ, recogitabit omnes annos suos. 2. Per accidens, in casu, ubi deest opportunitas temporis, vel memoria deficit inculpabiliter, vide, licet post diligentem indagationem, tunc sufficit in communi vnā penitudinem extendere ad omnia vniuersaliter. Vide D. T. 3. q. 87. a. 1. Caietanus ibid. Et D. Th. Suppl. q. 2. a. 6. & 4. d. 17. q. 2. a. 3. q. 3. Sot. 4. d. 17. q. 1. a. 3. Caiet. in Opusc. t. 1. tract. 4. q. 2.

Tempus verò harum singularum contritionum opportunum est duplex, in peccatorum recogitatione præuia confessioni, & in ipso actu confessionis. Communis verò contritionis terminatæ ad singula mortalia, siue in particulari, siue in communi tria possunt assignari tempora & loca. 1. dum ante Confessionem vult pœnitens recogitare sua peccata. 2. Post recogitationem peccatorum. 3. post enumerationem omnium peccatorum in confessione. Tunc enim in aliquo ex his tribus temporibus producere debet vnā contritionem generalem detestantem omnia peccata & singula in confuso.

Necessarium enim est omnino contritionem talem vt præfertur, concurrere ad confessionem Sacramentalem, sed quando determinatè, non est præceptum.

P V N C T: VII.

An formale propositum non peccandi sit de necessitate Contritionis?

R. Per se & ordinariè, est necessarium ad Contritionem vel attritionem, formale, hoc est actuale & expressum in voluntate, propositum non peccandi in futurum mortaliter. Quamuis per accidens, in casu inaduertentiæ aut obliuionis, non necessario requiratur: vt si quis bona fide vere detestetur peccatû, quod confitetur, & non aduertat ad formale propositum in futurum, satisfacit per illud virtuale propositum, quod in efficaci detestatione includi censetur, & reuera includitur. *Suarez disp. 20. Sect. 4.*

Sitne propositum, & supra dis. 4. Sect. 3.

Similiter in casu mortis proximæ: Tunc enim de proposito vitæ futuræ non sumus multum solliciti. Nec talis obligandus erit ad habendum propositum, sub conditione, si vixero. *Suarez disp. 4. Sect. 3.*

P V N C T: VIII.

Quæ occasio à Pœnitente deferenda?

R. Occasio Proxima, qua Pœnitens si vteretur sèper aut frequenter in peccatû mortale caderet, per pensis suis circumstantiis, scilicet fragilitate, & experientia: iudicio ipsiusmet pœnitentis aut Confessarii. Nec sufficit credere, se ob eam interdum seu rarissimè peccaturum, dummodo adsit firmus animus non peccandi. *Vide etiam Nauar. C. 3. n. 10.*

T I T V L V S IV.

De Confessione.

Habet puncta Septem.

P V N C T V M I.

Confessio Generalis totius vitæ sive necessaria vel utilis valde. Et an possit in omittere aliquod peccatum aliàs confessum?

R. Ex natura sua non est necessaria sed maximè utilis. 1. Ad exercitium humilitatis. 2. Pœnæ minutionem. 3. Ad consilium acci-

piendû, & directionem in vita spirituali per confessorè faciendam.

Gratia tamen subiecti aliquando est necessaria, aliquando utilis tantûm, aliquando nociua.

Necessaria his, quorum præteritæ confessiones inualidæ erant. vt infra pun. 5. dicetur.

Aliquando utilis: his, qui pacata vel persuasibili conscientia sunt

præditi,

præditi, & ob aliquem honestum finem, volūt iterare Confessionem.

Alijs nociua, scilicet scrupulosi, qui non modò non tranquillarent conscientiam, sed & valde turbarent.

In qua Confessione cælare aliquod peccatum mortale, alias ritè confessum, & validè absolutum, non est peccatum mortale: quia peccatum mortale alias benè confessum, non est materia necessaria Confessionis.

P V N C T: II.

Quæ peccata de necessitate confitèda, quæ de congruitate, & quibus cum circumstantiis.

R. Peccata mortalia certa vel dubia, sunt de necessitate confitenda: Venialia de congruitate.

Porro circumstantiæ ab aliquibus plures, ab alijs pauciores numerantur. Communiter traduntur in hoc versu 7.

Quis, quid, ubi, quibus auxiliis, cur, quomodo, quando.

Quamuis diligentius obseruanda, in confessione possint dici 4.

1. *Conditio peccantis.* 2. *Conditio complicis.* 3. *Natura in particulari, quamuis hæc non proprie circumstantia sit peccati, sed ipsa peccati species.* 4. *Numerus: quamuis & ipse non tam circumstantia quàm peccati multiplicatio sit.*

P V N C T: III.

Quomodo differunt circumstantiæ mutantæ specie ab his, quæ aggrauant.

R. Differunt. 1. Quòd circumstantiæ aggrauantes notabiliter, augent malitiam intra eandem speciem: Mutantes autem speciem transferunt peccatum ab vna specie ad aliam, vt furtum in loco sacro, à simplici furto ad sacrilegiū. Vnde circumstantia mutans speciem, cōstituit distincta peccata, seu addit nouum peccatum. Circumstantia verò aggrauans, non addit nouum peccatum, sed cōcurrit ad constitutionem eiusdem.

2. In ordine ad confessionem, quòd circumstantias mutantæ speciem necessariò exprimendas in confessione, certissimum est. Aggrauantes autem, controuersum, & sub opinione est. *Suarez disp. 22. Sect. 3.* Nihilominus sanum est consilium ac vtile & in conscientia tutius tales manifestare.

Exemplum talium circumstantiarum, Vt fractio ieiunij per vetitos cibos aggrauat, plus quàm per binam comectionem ciborum licitorum, & tamen vtraq; est eiusdem speciei. Alia exempla adducit Suarez, sed ista possent reduci ad distinctionem specificam vel numericam.

Quomodo autem cognosci possint circumstantiæ aggrauantes, non potest certa regula tradi, sed prudenti arbitrio est relinquendum, & iudicio seu testimonio conscientiæ, nam ipsa mus-

stando

fitando accusat & suggerit.

P V N C T: III.

Quibus casibus tenetur quis confiteri?

R. Non obligatur aliquis universaliter, statim ac peccatum commissum est: sed in casibus tantum his. 1. Si immineat articulus vel periculum mortis, & præceptum non sit impletum ante. 2. Quando sumenda est Eucharistia. 3. Ad semel in animo confitendum, obligatur quisque præcepto Ecclesiæ. 4. Obligatur quoque tunc, quando Confessio est medium necessarium ad superandam tentationem. *Vide D. Tb. 4. d. 17. q. 3. 4. 1. q. 4. Suarez disp. 35. sect. 3.*

P V N C T: IV.

Quibus casibus tenetur quis iterare Confessionem?

R. Quotiescunque fuit inualida vel ex parte Confessoris, si non habuit facultatem, diligentiam in audiendo, peritiam in tricis poenitentis explicandis, & determinandis, intentionem in absolviendo, aut defectum in auditu patiebatur. vel ex parte Poenitentis defectus doloris, propositi, integritatis Confessionis, siue ex proposito siue ex negligentia præmeditationis vel discussionis conscientiae.

P V N C T: V.

Quæ Confessio est perfecta?

R. dupliciter. 1. Illa quæ ornata est conditionibus 16. quarum quædam ad necessitatem eius spectant, aliqua ad bene esse, vel decorem eius, iuxta illud quod dici solet: Perfectum est cui nihil deest. Porro istæ 16. conditiones continentur 4. versibus. Sit simplex, humilis confessio, pura, fidelis. Atque frequens, nuda, discreta, libens, verecunda: Integra, secreta, lachrymabilis, accelerata. Fortis, & accusans, & sit parere parata.

2. Quod per hanc interrogationem potest insinuari Confessio informis & formata, quarum prima imperfecta, secunda verò perfecta appellatur à Sotto 4. d. 18. q. 3. a. 2.

Est autem Confessio formata & perfecta, quæ non tantum absolutione completur, & validum Sacramentum efficit, verumetiam effectu Sacramenti, id est gratia informatur. Informis verò illa est, quæ quamvis sit valida quoad substantiam, quia ex ea verum efficitur Sacramentum accedente absolutione, tamen post absolutionem poenitens non informatur gratia, nec consequitur remissionem peccatorum, licet nec peccet, nec iterare teneatur confessionem sed tantum defectum supplere & manifestare.

Verum

Verum in hac materia variae sunt opiniones. Aliqui enim omnino negant dari confessionem informem, quia attritio sufficiens ad valorem Sacramenti, sufficit etiam (inquiunt) ad effectum Sacramenti.

Alij admittunt Confessionem informem, sed diuisi sunt. D. T. 4. d. 17. q. 3. a. 4. ex defectu attritionis intensiuo, (nempe deficiente dolore) non percepto tamen inculpabiliter, per ignorantiam inuincibilem, aut inaduertentiam naturalem, & ideo absq; nouo peccato à poenitente, censet Sacramentum esse validum, absq; effectum gratiae. Secus si dolor minor esset, quam sit ut minimum necessarius, vel ex certa scientia, vel ex ignorantia culpabili. Tunc enim non esset etiam ipsum Sacramentum validum, ut pote cum actuali peccato, negligentia. Et multò magis si talis defectus peccaminosus in confessione non explicaretur. Neq; talis confessio diceretur informis, sed potius nulla. Vide etiam Soto 4. d. 18. q. 3. a. 3.

At Suarez t. 4. disp. 20. sect. 3. Hanc rejicit, aliam declarationem subiiciens, videlicet, quod confessio informis, ut praefert, censenda est, non ex defectu intensiōis vel qualitatis attritionis, sed ex defectu extensiuo, seu integritatis eius, ob naturalem inaduertentiam, vel inculpabilem obliuionem, propter quam quis non recordatur alicuius peccati mortalis, & attritionem habet de cogitatis tantum, non extendens eam actu ad oblitum,

seu obliuioni traditum; neq; formaliter neq; virtualiter. Et ideo Sacramentum fit validum & verum, sed quia effectus gratiae non obtinetur, ideo confessio dicitur informis.

PUNCT. VII.

An aliquod peccatum possit à poenitente celari, & Confessori non indicari?

R. Potest ad vitandum graue damnum seu nocumentum proprium vel alienum. Quia praecepta positiua (quale est de integritate Confessionis) non obligant cum tanto dispendio & periculo, & qui non potest sine eo discrimine confiteri, censetur tunc moraliter impotens ad confitendum illud peccatum.

Exempla.

Si timeret graue scandalum in propria salute spiritali, vel corporali.

Si timeret rationabiliter Confessionem non seruaturum Sigillum, & ex sua confessione occasionem sumpturum ad infamandum se, vel proximū.

Si dicendo aliquam circumstantiam, probabiliter cum fundamento, timeret Confessorem esse scandalizandum, & ad aliquod graue peccatum inducendum.

An verò tunc debeat differri Confessio, vel quando possit & debeat fieri. lege Suarez disp. 23. Sect. 2.

Animaduersio.

Cauendum tamen est, ne occasione istius veritatis tradita, aliquis sumat sibi ansam erroris, & ad fictas causas tacendi peccata in Confessione trahat.

Integritas confessionis de iure diuino est: & ideo ubi ius naturale diuinum aliud non suadet, omnino seruandum est.

TITVLVS V.

De Satisfactione.

Habet puncta Octo.

PVNCT: I.

Qualis & quanta debeat esse Pœnitentia?

R. Lege Ecclesiastica non est taxata, nec voluntati Confessoris absolute relicta, sed prudenti arbitrio eiusdem Confessarii commissa est, quæ sumi debet ex peccatorum grauitate, & pœnitentis dispositi circumstantis, ita vt pro posse seruetur proportio, & iustitia. Ex rationabili tamen causa propter fragilitatem, aut etiam graues occupationes pœnitentis, leuior satisfactio potest imponi: & ob impotentiâ dissimulari ac omitti potest.

PVNCT: II.

Ad implendam satisfactionem quæ requiruntur?

R. Duo. 1. Vt sit personalis; id est non per alium facta, nisi Confessor exprefferit aliud. Alioquin pœnitens non satisfacit præcepto Ecclesiæ, neq; sortietur effectum, quæ sortiretur, si personaliter impleret. 2. Vt impleatur in gratia, aliâs

Satisfactio non habebit effectum tunc, (quamuis habitura sit recedente fictione) Sufficiet tamen illa, quæ in peccato impleta est, ad integritatem Sacramenti, & ad implendam obligationem à Confessore impositam.

PVNCT: III.

Quot modis satisfacere possumus?

R. Tribus. 1. Per bona corporis, seu afflictiones corporales vt sunt ieiunia, flagellationes, peregrinationes, vigiliæ. 2. Per bona animæ, vt sunt orationes spirituales, vocales aut mentales. 3. Per bona externa, vt sunt elemosinæ.

PVNCT: IV.

Quid operatur ista satisfactio?

R. Operatur aliquem effectum ex opere operato. Ille autem effectus est remissio alicuius pœnæ temporalis præter illam, quæ respondere posset & opere seu merito operantis.

PVNCT:

P V N C T: V.

Possentne Confessor commutare, vel tollere Pœnitentiam iniunctam ab alio?

R. Potest æqualis, audita confessione eorundem peccatorum, non tamen inferior, quâ inferior, id est, quo ad sibi reservata.

P V N C T: VI.

In quo differt Satisfactio Sacramentalis à Restitutione?

R. Satisfactio (vt colligi potest ex D. Th: 4. d. 15. q. 1. a. 5. q. 1. c. 1. Sotto 4. d. 19. q. 1. a. 1. Suar. disp. 37.) est compensatio actionis iniuriœ alicui factæ. Restitutio est redditio vel compensatio ipsius rei alicui debitæ.

Lessius de Iustitia lib. 2. cap. 7. dub. 4. n. 18. ponit 4. differentias.

1. Quod satisfactio sit quiddam generalius: Omnis enim Restitutio est satisfactio, non contra.

2. Satisfactio respicit personam: Restitutio rem.

3. Satisfactio propriè fit pro iniuria illata: Restitutio propriè, ubi damnum illatum, vel res alterius ablata. 4. Satisfactio fit etiam pro damno irreparabili: Restitu-

tio solum pro reparabili. Vide ibi.

P V N C T: VII.

An per opera aliàs debita possit fieri Satisfactio?

R. Aliqui negant, & benè saltem regulariter: aliqui concedunt per opera alias præcepta vel debita, posse fieri satisfactionem.

Si tamen Confessor imponens pœnitentiam non exprimit, intelligendum erit de operibus supererogatis, seu consilij, & non de aliàs debitis.

P V N C T: VIII.

Quid conferunt Indulgentiæ ad hanc satisfactionem Sacramentalem?

R. Multum sanè: quia loco satisfactionis subrogantur ad delendas pœnas temporales, post Confessionem relictas.

Intelligendum est autem per Indulgentias remitti Pœnitentias impositas, vt satisfactiæ sunt, non vt medicinales. Et quia Indulgentiæ non dantur in destructionem sed in ædificationem animæ: ideo Pœnitentiæ iniunctæ, propter Indulgentias, non sunt omittendæ. Suarez disp. 38. sect. 10.

TITVLVS VI.

De Absolutione.

Habet puncta 13.

PVNCT: I.

Quæ verborum forma in Absolutione requiritur de essentia & quæ de congruitate?

R. Essentia absolutionis strictè loquendo, sunt illa duo verba.

Absolue te.

Dicendum tamen est ordinariè.

Ego absoluo te.

Nam omisso Pronominis (ego) graue peccatum inducit, nisi in defectu temporis.

Cætera omnia sunt de congruitate.

PVNCT: II.

Quis ordo seruandus in absolutione à peccatis excommunicatione aut irregularitate?

R. Vt prius fiat absolutio à Censuris, deinde à peccatis secundum ordinem consuetum. *Vide Nauar. cap 26. à n. 7. ad n. 22.*

Irregularitas rarò accidit dispensanda in confessione, nisi fiat coram Prælato facultatem habente: aut altero specialiter super eam potestatem habente.

PVNCT: III.

Qui sint casus reseruati Papæ?

R. Multi, & in duplici ordine. Nam alij reseruati reseruatione strictissima in Bulla Cænæ Domini. Alij verò extra Bullam ferè innumera- biles, *quas videre potes in nostris elementis ad sacras confessiones.*

PVNCT: IV.

Qui & quot Casus reseruati Episcopo?

R. In Synodo Diocesana numerantur 25. fol. 76.

Quoad alios Episcopos absolute, possunt distingui: Quod aliqui sint Casus de iure Episcopo reseruati: Alij de consuetudine generali. Alij constitutione particulari.

Etiã tales numerantur in Elementis.

PVNCT: V.

An Confessor absoluens, à sibi reseruatis peccet mortaliter?

R. Extra articulum mortis absoluens, peccat mortaliter, & præterea absolutio inualida est.

PVNCT: VI.

An possit Confessor absolvere aliquem contra suam opinionem?

R. Potest, imò & debet, si pœnitens ha-

uens habeat cōtrariam opinionem hucusque probabilem, seu non antiquatam, sed autoritatibus Doctorum probatorum, & solidis rationibus munitam: aliās non.

P V N C T: VII.

Peccatnē Confessor absolvens aliquē absq; contritione, vel attritione debita?

R. Peccat grauitē, quia contaminat & irritum facit Sacramentum atque inualidum.

P V N C T: VIII.

An quilibet pœnitens absolui possit, & quolibet loco, & quolibet tempore?

R. Qui verē pœnitens est, nullum impedimētum habens, absolui potest ab habēte iurisdictionem ordinariam vel delegatam, vbique & semper, hoc est, non tantum in Diœcesi ad quam Pœnitēs & Confessor pertinent, sed etiam extra. Hoc enim licet in iurisdictione nō requirente strepitum in foro externo: semper quoque, id est, tam extra quā in Paschali tēpore, dummodò habeat absolutam & non limitatam facultatem.

P V N C T: IX.

An habens auctoritatem absoluedi à Casibus possit absolvere à Censuris?

R. Regulariter non potest. Quia nomine Casuum non intelliguntur

Censuræ. Nihilominus quādo Censuræ non sunt reseruatæ, tunc ille qui habet facultatem super Casus, habet etiam super Censuras non reseruatās. Nam cui datur facultas super aliquid, datur etiam super id, quod necessariō prærequisitur, & sine quo illa facultas executioni mandari non potest. Absolutio autem à peccatis prærequisit absolutionem à Censuris, si reseruatō nō impedit.

P V N C T: X.

Quæ Absolutio danda est in Reconciliationibus?

R. Si verum peccatum exprimitur, consueta, quamuis abbreviata, dicendo, Auctoritate D. N. I. C. Ego absoluo te, In nomine &c. Si dubium peccatum, conditionalis absolutio, videlicet: Si vera peccata habes, Ego te absoluo, In nomine. &c. Si nullum peccatum manifestetur, adeò, vt neq; aliās ritē confessum, subiiciatur clauibus: nulla absolutio potest dari, sed pœnitēs debet remitti cum Dei benedictione.

Eniti tamen debet Confessor, præsertim in simplicium confessione, aliquam materiam Cōfessionis explorare, & saltim antiquam eruere, vt otiosum verbum, vel quid simile.

P V N C T: XI.

In articulo mortis non valentes confiteri, sed tantum signa Contritionis

ostenden-

*ostendentes, quomodo sunt
absoluendi?*

R. Si signa illa in particulari, aliquod, vel vnum peccatum indicat, sunt absoluendi, tam ab excommunicatione quam à peccatis.

Si in communi ipsum moribundum peccatorem demonstrant, tunc etiā est ab excommunicatione absoluendus.

Quo ad peccata verò, aliqui negant, aliqui censent absoluendum. Nonnulli tandem absoluendū sub conditione iudicant. Si capax absolutionis es. Ego absoluo te. &c.

PUNCT: XII.

Sæpius recidivantes suntne absoluendi?

R. Si domi occasionem peccati mortalis fouent, vt cōcubinarij. &c. non sunt absoluendi, donec illam eiijciant: si non fouent, tamen efficax propositum non peccandi non habent, aut dolorem insufficientem habent, non sunt pariter absoluendi.

Quod si sufficienter contriti vel attriti sunt, absolui debēt, etiam si Confessor credat eos relapsuros.

PUNCT: XIII.

An aliqua cautio sit petenda, à Pœnitente, & in quibus Casibus?

R. 1. Est petenda cautio iuratoria in omni excommunicatione, ob magna crimina, vt ob hæresim, incen-

dium, percussione Clerici, &c. & in Casibus Bullæ Coenæ. Suarez d. 5. disp. 19. Sect. 2. n. 10.

Iuramentum autem hoc esse debet, de stando mandatis Ecclesiæ in illa materia, pro qua excommunicationis est data.

2. Si tale delictum fuerit ob quod lata fuit, vt specialem satisfactionē requirat, realis & actualis debet præcedere satisfactio sine mora.

In casu impotentiae & quacunque difficultate morali, cautio requiritur pignoratitia.

Si hæc præstari non potest, fideiussoria, si neque hæc, iuratoria exiguntur. Suarez disp. 21. sect. 3. n. 2.

3. In usurario manifesto, vt infra dicitur.

Hic nota, quod in Absolutione ab Excommunicatione hæresis & aliorum Casuum in Bulla cœnæ, in articulo mortis, absoluendus, duplicem cautionem præstare tenetur. 1. de parendo mandatis Ecclesiæ. 2. de satisfaciendo vno ex tribus illis modis secundum prudens arbitrium Confessoris. Nam si realis seu actualis satisfactio esse non potest statim, fiat cautio oppignoratitia, vel fideiussoria, & defectu earum, iuratoria. Quamvis in Casu hæresis nulla satisfactio pecuniaria exhibenda sit, sed solum iuramentum sic satisfaciendi: Quod si hæreticus decepit aliquos tradens doctrinam hæreticam esse veram, tenetur coram eis retractare, eosque instruere de veritate. Sanchez lib. 2. Moral. C. 12. n. 19.

In alijs

In aliis Excommunicationibus potest habere locum Satisfactio pecuniaria, ubi expensarum & damnatio habetur.

Aduertenda hic Caiet. doctrina in Sum. V. Absolutio, C. penult.

Oportet hæc inquit, Confessores scire non tantum propter casus occurrentes, sed etiam propter euitandas Censuras. Sixt. 4. cum in articulo mortis contingit absoluerè à Casibus reservatis in Bulla Cœnæ D.

TITVLVS VII.

De Sigillo.

Habet puncta 10.

PVNCTVM I.

Quomodo differat Sigillum Confessionis à Sigillo secreti?

R. 1. In essentia, quia Sigillum secreti est naturale: Confessionis est supernaturale, sacrum, & Sacramentale. Ac propterea in illius fractione, vna est malitia, scilicet, quod sit cōtra iustitiam: In istius duplex aut triplex, quia & cōtra iustitiam, & contra reuerentiam Sacramento debitam, ac contra bonum eius, nam odiosa efficeretur.

2. In obligationis arctitudine, quia naturale aliquando potest reuelari, videlicet quando eius reuelatio cederet in damnum notabile proximi, & præsertim Reipublicæ, essetque in fieri & expectari. Secretū verò Confessionis, tā arctè obligat, vt in nullo casu scādalo, damno: & propter nullū finem, etiam pro tuenda Rep. ab ingenti malo tēporali aut spiritali, violare illud liceat, nec potest aliquis excusari, aliquo præcepto,

vi, metuue

PVNCTVM II.

An Sigillum hoc sit de necessitate Confessionis?

R. Est de necessitate præcepti, ita vt frangens, graue sacrilegium committat: Non tamen de necessitate Sacramenti, ita vt irritet ipsum: validum enim est Sacramentum, quamuis iniquus Cōfessor fregerit Sigillum. *Vide Soto 4. dist: 18 q. 4. a. 5. post Concl. 1.*

PVNCTVM III.

An quæ sciuntur in Confessione præter peccata cadant sub Sigillo Confessionis?

R. Ea quæ sciuntur in Confessione, possunt in tres Ordines distribui. Nam quædam pertinent directè ad Sigillum Confessionis, vt est peccator, peccatum non tantum mortale, sed etiam veniale: complex peccati, & imprudenter detectus in Confessione, circumstantiaque peccatorum.

Quædam

Quædam indirectè spectant ad Sigillum Confessionis, ut sunt illæ res, quæ non sunt peccata, tamen ex earum manifestatione posset venire in notitiam peccati, vel peccatoris. *Vide D. Th. 4. dist. 21. q. 3. ar. 2. Et Sotto d. 18. q. 4. a. 5. Ubi exempla ponuntur in Concl. 3.*

In tertio ordine illa, quæ ad peccata nihil pertinent, sed cum peccatis aliquando narrantur, sunt quæ omnino impertinentia ad Confessionem, ut historia: & consequenter non comprehenduntur sub Sigillo. Nihilominus tamen & ista summo studio sunt celanda, tum propter scandalum, tum propter prinitatem, quæ ex consuetudine accidere posset. Vnde optimum est consilium Sotto dicentis: Quâvis (inquit) neque de re vlla per confessionem audita debeat sacerdos vnquam vel mutire, præsertim cum circumstantes intelligere possunt in confessione fuisse audita: quoniâ statim pertimescunt, eò quod ibi audita, non adeò sanctè & strictè reconduntur.

PUNCTVM IV.

An licet detegere peccata in Confessione audita, quando publica sunt, aut saltem in communi, non nominando personam?

R. Si adest rationabilis causa, licet D. Th. 4. d. 21. q. 3. a. 3. Quia ille non reuelat Confessionem, sed

quod per aliam viâ scit, dicit: Alioquin grauißimum onus esset Confessoris, si propter Confessionem amitteret ius vtendi scientia vel cognitione sua.

Prudentia tamen necessaria est in tali casu propter scandalum vitandum. D. Th. 4. d. 21. q. 1. a. 3. Sotto d. 18. q. 4. a. 6.

Quo ad alteram partem, scilicet, aut saltem in communi, non nominando personam. Respondetur. Quâdo peccatum sic in genere detegitur, ut nullatenus ad notitiam personæ referri possit, non esset secundum Scotum reuelatio confessionis. *Sotto vbi supra ar. 5. Concl. 2.* Tamen imprudentia & scandalum esset, dicere talia in Confessionibus fuisse audita.

PUNCTVM V.

Peccatne reuelans dicta sibi sub Sigillo Confessionis, sed extra Confessionem?

R. Quamuis talis commissio secreti non sit materia Sigilli Sacramentalis, imò sit abusus eius, ac proinde illicitus, tamen obligat, tanquã secretum naturale vel humanum. Vnde si fiat reuelatio in materia leui, erit leue peccatum, si in graui, mortale.

Sotto 4. d. 18. q. 4. a. 5. Conclusiones 5. Vide etiam D. T. 4. d. 21. q. 3. a. 2. q. 2. n. 2.

PUNCTVM VI.

An ali-

An aliquo casu possit peccatum confessum reuelari?

R2. In nullo prorsus casu, si vera fuit confessio: hoc ē, intentione faciendi, accusationem coram Deo, & non animo peruertendi Confessorē, vel pertrahendi ad conspersionem facta.

Et quamuis aliqui negent, id licere etiam ex facultate Pœnitentis, tamen D. T. 4. d. 21. q. 3. a. 2. cum multis alijs Theologis & Iurisperitis asserit: (quæ sententia vera est & communis,) scilicet, accedente licentia Pœnitentis, licitè potest reuelari. Quod tamen temerè non est faciendum, sed cum rationabili causa. *Vide Decis. l. 1. c. 23. n. 15.*

PVNCTVM VII.

An dans Pœnitentiam publicam pro peccato occulto in Confessione audita dicatur reuelare Confessionem?

R2. Si ita datur & impletur, ut deveniri possit ad notitiam aliorum, eam fieri ex præscripto Confessoris ob culpam occultam aut publicā; est reuelatio.

Vnde non expedit pœnitentiam iniungere publicam, non tantum pro occulto, sed neque pro publico crimine. Neque potest ad eam cogi pœnitens, & satis est, si pro publico satisfaciatur peccator occultè. Medull. p. 3. §. 7. n. 7. satisfactio.

PVNCTVM VIII.

Quas pœnas incurrit sigilli fractor?

R2. 1. Nulla ē Censura aut pœna ipso facto. Peccat tñ in primis mortaliter, cuius absolutio ē reservata Episcopo in Synodo Diœcesana. 2. Est pœna depositionis ferenda. 3. Cogendus talis sacerdos, ut perpetuò ignominiosè peregrinetur vel detrudatur in Monasterium.

Suarez Sott. Salj.

PVNCTVM IX.

Quæ cadunt sub sigillum secreti naturalis. Et an omnis, detectio sit mortalis?

R2. Illa quæ neque sūt notoria neque infamia proclamata, & quæ quis alicui committit cum obtestatione fidei de silentio tenendo, & quorū manifestatio vergit in præiudicium vitæ, famæ alicuius, aut bonorum externorum.

Estque peccatum mortale, si sit cum graui præiudicio.

PVNCTVM X.

An secretum naturale reuelari debeat Iudici ad præceptum illius?

Si ex occultatione eius malum pendet in futurum, cum præiudicio communitatis vel tertij, potest & debet reuelari: Si non est in fieri, nec speratur aliquod damnum, non debet reuelari.

Vide D. T. 22. q. 70. a. 1. 2. Sot. Iust. lib. 5. q. 7. a. 1. 1. Arag.

Quod si secretum alicui pate-

factum est consilij vel auxilij petendi causa, ad salutem animi vel corporis miseri delinquentis, ut medico, aduocato, obstetrici, multò

magis debet celari. *Bannes de Iust. q. 70. a. 1. Less. lib. 2. cap. 30. dub. 6. Salon. q. 70.*

TITVLVS VIII.

De Restitutione.

Habet puncta 10.

PVNCTVM I.

An peccans contra charitatem debitam proximo, in non subueniendo ei in necessitate, vel ad peccatum inducendo, teneatur ad aliquam restitutionem?

R. Non subueniens in necessitate etiam extrema, non tenetur ad restitutionem, quæ non ex præcepto charitatis ac misericordiæ, sed ex obligatione iustitiæ, confurgit.

Et quamuis in extrema necessitate omnia sint communia quo ad vsum, semper tamen manet dominium, quo ad dispensationem penes possidentem.

Qui verò aliquem ad peccatum pertraxit, ad aliquam restitutionem propriè non tenetur, sed aliquam obligationem habet communem, seu præceptum fraternæ charitatis, admonendi & reducendi errantem: quamuis arctiori vinculo teneatur suppeditans causam peccandi, quam non suppeditans. Et multò magis, si seductus positus est in

extrema necessitate, ut quia obstinatus est in peccato, vel moriturus in ipso.

Sciendum tamen est, quod inductio dupliciter fieri potest. 1. Vi, metu incusso, & fraude, ac mendacio: & tunc omnino tenetur ex iustitiâ resarcire malum; ut auferre violentiam, deferere minas, fraudes aperire, & retractare errores.

2. Corruptio proximi potest esse contra fraudem & violentiam, ut inducendo prece, precio, consilio, malo exemplo; & tunc tenetur lege charitatis, quamuis plusquam alij curare, verbis, exemplis, orationibus, & omni modo possibili per se vel aliū, ut emendetur.

Quod si monitus nolit respicere, vel non sit spes emendationis; ad nihil amplius tenetur. *Azor.*

PVNCT: II.

An consentiens in damno dato teneatur, ex æquo restituere prout ille qui damnum dedit?

R. Consentiens duplex esse potest:

Per actum

Per actum internum absque cooperatione, id est absque eo quod concuset actionem iniustam, & ad eum nihil pertinet. Et iste peccat quidem, sed ad restitutionem non tenetur, eo quod consensus eius nihil ad hoc profuit.

Alius consensus per cooperationem, nimirum, quia & ex consentiente pendet effectus, & consensus est causa illius. Et hic tenetur ad restitutionem, secundum quod causa fuit, totius vel partis. Vnde si totius damni causa fuit, ad totum reparandum obligatur. Si solum parti damni, causam dedit ad partem, non secus ac ipse auctor, in solidum seu integrum.

Et quidem 1. is ad quem res peruenit. 2. Executor seu auctor ablationis. 3. Ceteri cooperatores consulentes, consentientes, laudantes amantes. Less. l. 2. cap. 13. dub. 3.

Si verò nihil ablatum est, sed tantummodo damnum irrogatum, primo loco qui coegit vel fraude induxit, vel impendit, suavit fieri, rogavit, 2. & 3. ut supra.

Notandum.

1. Quod si posteriores soluerint, priores tenentur refundere: si prior, alij ad nihil tenentur.

2. Non est improbabile, quod ceteri teneantur Executori ad aliquid refundendum, si ipsum induxerunt, alijs non facturum. Et hoc de consensu proprie dicto prout numeratur in-

ter nouem modos cooperationis ad damnum alterius. In quantum vero sumitur latius pro cooperatione positua, & per nouem modos diuersificatur: dicitur in tertio puncto.

PUNCT: III.

Qui sunt illi 9. modi, quibus quis dicitur consentire delinquenti?

R. Illi, qui continentur in his duobus versibus:

Iussio, consilium, consensus, palpo, recursus,

Participans, mutus, non obstitans, non manifestans.

His itaq; diuersis modis cooperationis, seu ut praefertur consensus, deprehenditur aliquis suo modo consentire delinquenti.

Tunc autem tenetur ad restitutionem (et quidem in solidum) quando est causa damni. Tunc vero censetur causa damni, quando alterius animum efficaciter mouet, iubendo, consulendo, rogando, promittendo, consentiendo, seu ferendo suffragium iniquum, laudando malefactorem vel exprobrando ignauiam, (si ex tali laude vel exprobratione alter mouetur ad maleficium) recursum praebendo, ut moraliter censeatur furi cooperari ad damnum inferendum vel ad illatum non reparandum. Censetur autem tunc cooperari, quando ita furem occultat, ut in posterum det illi spem similis opitulationis, & fur illa fidens, ipsum damnum inferat: alio-

quin si non det illi spem refugij in posterum, non tenetur, quia non eo fine nec eo modo abscondit, ut moraliter censeatur causa damni, sed tunc merè per accidens ex illo opere damnum sequitur.

Receptor qui rem furtiuam in custodiam accipit, ut furi seruet, si tamè absq; notabili incommodo poterit ei custodiam denegare. Participas dupliciter. 1. Prædæ. Et hac ratione tenetur pro ea parte quæ ei obuenit.

2. Iniquæ operationis præbendo auxiliū. Et adiuvando ad executionem: si id sponte & sine compulsionē fecerit tenetur in solidum, sicut & cæteri, secundum rationem causæ, quam ad damnum exhibuit. Less. n. 28.

Mutus quicum esset superior omittit præcipere, consulter consulere. Si custos, clamare, aut strepitum edere, ad damnum impediendum.

Non obstands, qui tenebatur ex officio impedire damnum ut Princeps, Magistratus, præpositi viarum.

Non manifestans, qui ex officio tenebatur, ut custos rei deputatus non manifestat malefactorem siue ante factum, quando damnum erat impediendum: siue post factum, quando sarcinandum erat.

P V N C T: IV.

An Confessarius qui per ignorantiam vel negligentiam absoluit aliquem ante restitutionē iniunctam sit obligatus ad restitutionē?

Confessor in materia & occasio-

ne restitutionis tripliciter se gerere potest. 1. Tacendo tantum seu merè negativè, & tunc non tenetur Ratio: quia quamvis teneatur ex officio & iustitia omnia facere respectu poenitentis, non tamen tenetur ex iustitia, negocium agere tertij: siquidem transgressio eorum, quæ ex iustitia, non verò ex sola charitate debentur, restitutionem inducit. 2. Inducendo ad non restituendum, seu dissuadendo restitutionem: & tunc tenetur restituere Confessor casu quo poenitens paratus esset restituere.

3. Dissimulando & non respondendo, ad interrogationem poenitentis, siue ex intentione, siue ex ignorantia crassa, siue etiam ex negligentia, non curando discutere casum restitutionis: Tunc enim tenetur ad restitutionem ex vi consensus interpretatiui: sicut & inducens.

P V N C T: V.

An qui furatus est rem aliquam, & illam habet, satis ei sit, restituere æquivalens?

R. Non satis, sed regulariter restituendum est id ipsum: nisi creditor sit æquivalenti vel alia re contentus & nisi per restitutionem eiusdem rei, peccator occultus manifestaretur, aut aliud magnum incommodum sequeretur.

P V N C T: VI.

An locans rem furto ablatam, debeat restituere pretium locationis Dño?

Rz. Non tenetur quidem ad pretium locationis restituendum: sed ad interesse lucri cessantis, aut damni emergentis, si & quatenus passus est verus Dominus, ob priuationem pecuniæ, seu iumenti meritorij, aut locabilis.

P V N C T: VII.

Qui pro committendo aliquo peccato pretium accipit, an illud restituere teneatur?

Rz. Quamuis sint variæ opiniones dicitur tamen hic breuiter & resolutè, quòd acceptum ob turpem causam, seu propter opus quod est peccatum; opere impleto, non est necessario restituendum: ante opus tamen impletum debet restitui.

Probabilis etiã est sententia, quod acceptum ob crimen legibus punibile. nisi censeatur esse donatum, est restituendum, vel statim pauperibus, quod est consilij: vel post sententiam, quod erit debiti Less.

P V N C T: VIII.

Quæ causæ non restituentem à peccato excusant?

Rz. Duodecim. 1. Inopia debitoris seu impotentia. 2. Remissio Creditoris. 3. Cessio bonorum, quæ æquiualeat necessitati. 4. Damnum creditoris, Reip. vel Tertij. 5. Solutio Creditori creditoris.

6. Rei debitæ interitus, quia tunc alia æquiualens subroganda est. 7. Iudicis vel iuris autoritas. 8. Religionis ingressus, sed secundum declarationem Doctorum. 9. Excommunicatio Creditoris. 10. Incertitudo creditorum, nam tunc in pauperes facienda est restitutio. 11. Dispensatio vel compositio cum Papa, quãdo incerti sũt creditores, cum Pontifex sit supremus Princeps in spiritualibus, & eius sit de temporalibus suorum subditorum disponere prout expedit ad bonũ spirituale, præsertim quando ipsi veri Domini nequeunt, eo quòd non sunt noti. Et idem sit communis parens pauperum, & causarum piarum. 12. Compensatio si ea vti potest & prætendit. Vide Less. lib. 2. cap. 16. princ. & declarationem in sequentibus dubiis.

P V N C T: IX.

Bonorum incertorum Restitutio quando facienda?

Rz. Bona incerta, id est habentia Dominũ ignotum, post sufficientẽ inquisitionem illius, & incerta debita siue ex contractu, siue ex delicto, restituenda sunt in pauperes, saltem iure positiuo, & consuetudine quamuis non iure naturæ.

Si habens talia bona, verò pauper est, poterit ea tanquam unus ex pauperum numero sibi retinere, neq; postea tenebitur pauperibus restituere copiosior effectus post hanc applicationem. Less. C. 14. n. 42.

PUNCT: X.

*Infamans Proximum de delicto vero,
an restituere teneatur, & quomodo?*

R. Sine dubio tenetur restituere, sed modus difficultatem præfert. Nam per aliquos modos confirmaretur diffamatio, tanquam de peccato vero sed occulto, ut si quis diceret, se malè, imprudenter, contra iusticiam locutum fuisse, vel nō benè tunc aduertisse, & postea deprehendisse, detractorem se fuisse.

Per alios modos esset cum mendacio, ut si retractans diceret se falsum dixisse vel mentitum fuisse, intelligendo de falso practico, quod

hic locum ab aliquibus non habere dicatur.

Et tandem melior modus ab aliquibus assignatur, scilicet ab Azor. t. 3. l. 5. c. 9. q. 7.

Non obligatur (inquit) diffamans ad dicendum, se esse mentitum, neque id dicere potest.

Satis est, si dicat, se malè fecisse, nec esse sibi credendum, & se esse deceptum, nec semper verum est, quod dicitur ab homine. Et hoc sufficit, quia non potest plus facere: Ad impossibile autem nemo obligatur.

Et ita facilius est destruere, quàm construere: famam lادere, quàm reparare.

TITVLVS IX.

De Vsur.

Habet puncta 10.

PUNCT: I.

Quid sit Vsur, & in quibus rebus consistat?

Definitio est ista. Vsur est lucrum ex mutuo.

Paulò fusior & explicatio. Vsur est lucrum, pecunia æstimabile, immediate ex mutuo proueniens.

Immediate verò intellige; ita ut mutuator intenderit mutuatarium ex vi pacti mutationis obligare: vel ad minus mutuatarius putet hanc fuisse intentionem mutuantis. Quod si im-

mediate proueniat, ex amicitia vel gratitudine nihil officiet. Nam licet ex mutuo sperare amicitiam hac ratione conciliandam. Et sperare, quod ex amicitia illius aliquid utilitatis mihi proueniet, citat tamen pactum.

Consistit autem Vsur in rebus mutuabilibus seu mutuo subiectis. Porro mutuum cōsistit in his rebus quæ constant numero, pondere, mensura.

Numero, ut pecunia numerata. Pondere, ut æs, argētum, & aurū.

Mensura

Mensura, ut oleum, frumentum, vinum.

Quæ res dicuntur à Iurisperitis accipere functionem, quia una potest fungi vice alterius, ut frumentum vice frumeti, Specunia loco pecunie.

PVNCT: II.

Pro re accomodata aliquid accipere ultra sortem, an sit usura?

Non est, si commodatum propriè accipiatur, ut differt à mutuo, & sonat gratuitam concessionem alicuius rei quoad usum: ac proinde per hoc (iuxta naturam commodati) non transfertur dominium, sicut per mutuum transfertur: à quo distinguitur. Differt quoque à locatione, quia locatio fit ob mercedem, commodatio verò gratis. Unde si contractus mutetur ut ex commodato sit locatum potest intervenire lucrum: sed non erit amplius pro re accomodata sed locata. Quavis etiam possit accipi aliquid ultra sortem pro re accomodata, non quidem per se ex vi commodati, sed per accidens, ratione adiuncti damni, aut lucri cessantis, propter commodatum, ex parte commodantis: aut ratione rei deterioris effectus, ex parte commodatarii.

PVNCT: III.

Quod dicitur iustum pretium?

Rz. Iustum pretium censetur illud quod vel à potestate publica ob

bonum commune prudenter est statutum, quod dicitur pretium legitimum: vel communi hominum æstimatione consideratis circumstantiis determinatum, quod dicitur vulgare: vel etiam naturale ac arbitrium, tanquam à naturali prudentia constitutum, ubi à Principe vel Magistratu pretium non est impositum.

Discrimen inter hæc duo pretia.

Quod legitimum consistit in indivisibili: Vulgare verò habet latitudinem.

Et communiter triplex dicitur. Infimum seu pium, Medium seu moderatum, & summum seu rigorosum aut rigidum.

V. g. Medium sit 10, Infimum 9. Summum 11. Rursum Medium 100. Infimum 95. Summum 105.

PVNCT: IV.

An donare aliquid ut reddatur duplum, si non moriatur ante tale tempus, sit licitum?

Rz. Proponitur in primis Casus. Petrus & Paulus ineunt contractum talem, Petrus dat 100. Paulo, ea conditione, ut si Petrus moriatur intra 10. annos, Paulus eos flor. 100. lucrabitur, & tanquam suos retinebit, si Petrus vixerit ad finem 10. annorum, Paulus reddet ei suas 100. & alias 100. qui respondebunt illis 10. annis, computando 10. pro 100. in annum quemlibet.

Et in

Et in istis terminis proponitur à pluribus authoribus, quos etiam citat Azor Tom. 3. lib. 7. c. 7. q. 7. Et cū dissideant Authores, resolutio consistit in hoc: quod

Tale pactum est licitum, & non usurarium, Quia Petrus non recipit lucrum ratione mutui, sed ratione periculi, cui suam pecuniam exponit & subijcit. Qui si moriatur, Paulus quoque lucratur. Tenendum igitur est, contractum esse innominatū. Do ut des, in quo ambo contrahentes sunt pares: Potest enim vterque lucrari centum, & itidem perdere potest, & incertus est euentus.

Potest quoque dici ladi contractus.

PVNCTVM V.

Quomodo in pacto de retrouendendo, committatur Vsum?

R. 1. Ratione pretij, si minoris vendatur, quàm valeat. Caiet: Sum. V. Venditio n. 9.

Ordinarie autem de iusto pretio rei, (si alienaretur in perpetuum) detrahenda est quarta pars. Quamuis si apponerentur conditiones in maiorem fauorem vendentis, & maius onus euentis, minoris posset res illa emi,

Et vice versa, si conditiones fauorabiliores essent emptori & molestiores venditori, pluri.

2. Ratione intentionis, vt si in animo non sit sinceritas emendi & vendendi (quamuis ad tempus)

sed vsuram palliandi.

PVNCT: VI.

Societatis contractus quid, & quis licitus, & vt talis incundus?

R. Definitio. Contractus Societatis est conuentio duorum pluriumque ad conferendum aliquid in vsum vel quæstum communem contracta.

Pro cuius intellectu, vide Lessium lib. 2. c. 25.

Requiruntur autem 4. ad talem contractum. 1. Vt singuli socij aliquid in commune conferant siue pecuniam, siue operam, vel industriam siue instrumenta, siue animalia.

2. Vt illa à singulis collata sint communia omnibus, cedantque in dominium singulorum dominio partiali.

3. Vt lucrum & damnum sit commune modo infus dicendo.

Ut fiat lucri diuisio, secundum proportionem sortis à singulis collata.

Porro licitus hic contractus est, quando habet tres conditiones, iuxta triplicem euentum.

1. Aut enim in fine inuenitur lucrum cum summa Capitali.

Aut sine lucro, solum Capitale.

3. Aut nec lucrum nec Capitale, sed damnum Capitalis in toto vel in parte.

Et quidem in primo euentu, reddetur ante omnia Capitale Dño: Lucrum vero diuidetur, vel æquis, vel proportionalibus, (iuxta cōcursum sociorum) portionibus.

In 2, Ca-

In 2. Capitale Domino reponēti, saluum erit, in labore autem damnum alter patietur.

In 3. Dominus reponens sentiet totum damnum absque concursu locii, etiāsi totū capitale amissū sit.

Illicitus verò duobus modis.

1. Si capitale vnius substat lucro & non damno.

2. Si lucrum vel damnum non respondeat sociis secundum modū explicatum in triplici euentu.

Quomodo verò sit ineundus talis contractus, patet ex supra dictis: Nam vt licitè cōtractus exerceatur, habenda est ratio illorum trium euentuū. *Videre potes Less. dub. 2.*

PUNCT: VII,

Quis dicatur Usurarius manifestus, & à quo absoluendus?

Manifesti sunt dupliciter, scilicet, iure, vel facto. Facto quidem, qui ita palām dant ad usuram, vt nulla tergiuersatione factum celeri possit.

Iure verò, qui iudicis sententia de hoc crimine sunt condemnati, aut qui legitimè in iudicio per idoneos testes sunt conuicti, vel etiam confessi in iudicio.

Quo ad absolutionē, vbi hiccasus Episcopo reseruatus est absolute, ad illum est remittendus, aut ipse Confessor petat facultatem. Ceterū in Synodo hac, nō video inter reseruatos casus. Papalis quoq; nō est, quia nō est ipso iure excommunicatus. *Less. l. 2. c. 20. d. 22. n. 186,*

Dicendum itaq; est, Quod non admittendus est ad Confessionem, donec satis fecerit re ipsa pro sua facultate, vel idoneā cautionem dederit pignoratitiam vel fideiussoriam ipsis Creditoribus, (si præsentes sint) vel in eorum absentia Ordinario loci aut eius Vicario, vel Parrocho, coram testibus fide dignis, vel Notario publico habenti mandatum à loci Ordinario. Si talem cautionem præstare non potest, debet iurare, se non posse in præsenti, & se facturum, curaturūque quicquid poterit, vt fiat restitutio.

Si periculum non patiatur moram, statim absoluendus est, & postea cautio exigenda. *Less. Vide tamen in Synodo c. 60. f. 170. multa utilia circa usuras.*

PUNCT: VIII.

Vendere rem carius credito, quam numerato, an sit Usura?

R. Regulariter, & ex natura rei est usura.

Nihilominus quinque sunt consideranda.

1. *Latitudo iusti precij: Nam vendere numerato infimo pretio, Credito verò summo, non est usura: quia est infra latitudinem iusti pretii.*

2. *Si res seruadæ emant ad certum tempus, quo sunt carius valiturae: tunc licet pluri vendere, deductis tamen impensis pro cōseruatione rei. &c.*

3. *Ratio habenda est periculi sortis, cui talis mercator exponitur, pro-*

E

pter Em-

pter Emptorem infidum & minus securum.

Debet tamen verum esse periculum & non fictum.

4. Ratione expensarum & molestiarum, quas timet in recuperanda sorte.

5. Ratione lucri cessantis vel damni ex dilatione solutionis, ut si in presenti habeat emptores, qui presenti pecunia emerent, vel in breui probabiliter sperarentur emptores qui postea pecuniam conuerteret in negociatorem & lucraretur.

PUNCT. IX.

In quo differunt lucrum, cessans, & damnum emergens?

R. In tribus. In significatione, materia, & compensatione. In significatione quidē. Nam damnum emergens importat detrimentum, quod aliquis patitur propter mutuum. Lucrum autem cessans, significat omissionem speratae utilitatis alicuius, propter mutuum.

Exempla vide in Prax. fori penitential. lib. 23. cap. 6. n. 67. Et in Azortom. 3. lib. 5 cap. 4. & sequ. Nauar. c. 17. n. 211. Decis. l. 2. c. 105.

Deinde differunt in materia. Quia damnum emergens est in rebus quas creditor habet, vel quae ei debentur. Lucrum vero cessans, respicit emolumentū, quod ei non erat debitum & à quo consequendo impeditur. Less. l. 2. c. 20. dub. 10. Quoad compensationem vero dif-

ferunt. Quia damnum emergens totum est compensandum quod propter mutuum incurritur. Lucrum vero cessans non totum, sed ad arbitrium boni viri perpenſis impedimentis, periculisque lucri consequendi, deductis etiam impensis, si quae sunt. Quod enim futurū est, nondum est, & multis modis impediri potest.

PUNCTUM X.

An pro pecunia dotali liceat fructus aliquos accipere?

R. Non licet iuxta modum corruptae consuetudinis, sicut nec pro redemptione captiuorum, licitum est usuram committere. Nihilominus si pecunia dotalis vel pupillorum ac viduarum reduceretur ad aliquem iustum titulum (de quibus Valentia t. 3. disp. 5. q. 25. pun. 2. Nam, in primo puncto enumerat iniustos modos) posset esse modus non tantum tolerabilis, sed etiam licitus.

Modus autem iste est, si inirentur & coniungerentur tres contractus cum mercatore ex parte pupillorum. 1. Societatis. 2. Affecurationis capitalis. 3. Affecurationis lucri. V. g. Sperat quis probabiliter se pro parte lucri ex contractu societatis sibi respondente consequuturum. 12. Ex his promittit mercatori 3. ut ipsum affecuret, quod capitale non amittet. Et iterum promittit per tertium contractum

alia

alia 3. vel 4. vt sit securus de lucro. Ita que residuum scilicet 5. vel 6. accipiet pro sorte sua.

Cæteri modi præter hunc vel hic locum non habent, vel periculis pleni sunt.

TITVLVS X.

De Simonia.

Habet puncta 5.

PVNCTVM I.

Simonia quid sit & quotuplex?

R. Simonia est deliberata voluntas emendi vel vendendi pretio temporali aliquod spirituale vel spirituali annexum.

Spirituale hic dicitur quod est supernaturale quocunq; modo, vt gratiæ, Sacramenta, consecrationes, benedictiones, Ecclesiæ, & omnis vsus potestatis supernaturalis. Spiritualis annexum, quod cum aliquo spirituali habet connexionem, vel antecedenter, vt Ius patronatus, vestes, & vasa sacra, templa, altaria. Vel consequenter, vt beneficia Ecclesiastica, quia supponunt officium diuinum. Aut concomitanter, vt labor in ministerio Sacramentorum.

Diuisio.

Simonia (claritatis causa) est quadruplex: Mentalis tantum, Conventionalis tantum, Realis, & Confidentialis.

Mentalis est quæ latet in mente tantum seu intentione. Quæ inter-

dum erumpit ad dationem absque declaratione iniqui animi, interdum non.

Conventionalis, quæ etiam ad pacta verè & non animo decipiendi deducitur, verbo, nutu, vel alio signo, siue in sola tantum promissione consistat: siue etiam ex vna tantum parte impleatur.

Realis, quæ ad dationem & acceptionem præmissio pacto peruenit. Et posset quidem subdiuidi, quod vel est vtrinque completa: vel ex vna parte tantum. Sed quia realis hic dicitur, quæ omnifariam est completa: idcirco hæc, quæ ab vna parte tantum compleri incepit, ad Conventionalem reducitur. *Valent. 22. de Simonia, disp: 6. pun. 5.*

Confidentialis, quando alicui confertur, aut procuratur beneficium cum pacto, vt idem conferenti vel procuranti aliquando resignet.

PVNCT: II.

An conferens beneficium indigno ob consanguinitatem, amicitiam, vel preces, sit Simoniacus?

R. D. Th. 22. q. 10. a. 5. 2. ait non esse Simoniacum propter consanguinitatem vel affinitatem carnalem conferre gratis aliquod spirituale, quia nihil ibi datur vel accipitur pecunia æstimabile. Quamuis ex tali motiuo principaliter conferre, sit mortale, præsertim indigno. *Nauar. cap. 23. n. 107. Azor. t. 3. lib. 12. cap. 11. q. 1.*

Nisi hoc in aliquod cōmodum temporale resoluatur tanquam in pretium. Valentia 22. & de Simonia disp. 6. punct. 3. Exemplum ex Azor, si confert consanguineo, ut inde is, qui confert fiat honoratior, vel opulentior, vel potentior: vel ut consanguineorum, aut propinquorum familia esset clarior, vel ditetur.

Idem de conferente ob amicitiam, quamuis indigno. *Nauar.*

Et quamuis aliqui Doctores dixerint hoc esse Simoniacum, tamen latè & generaliter vsi sunt nomine Simonia, scilicet quando datur beneficium ob aliquam inordinatam causam vel motiuū. *Less. dub. 20. Azor. t. 3. lib. 12. cap. 11. Val.*

Sicut & de precibus specialiter aliqui asseruerunt. Nam conferre alicui beneficium propter preces, vel obtinere propter preces, etiam interueniente indignitate, non est propriè Simonia.

Nisi preces pro precio fiant, & accipiantur, ut ait *Nauar. Cap: 23.*

n. 100. & 107.

Vel exauditio precum resoluatur in aliquod commodum temporale, tanquam pretium, ut Valentia, Soto, & Azor aiunt, videlicet, si exaudiens preces, fauorem ab exaudito quærit, beneuolentiam sperat, obligationē oblatam suscipit, iram & odiū metuit, honori ducit quod à talibus rogetur. *Vide D. Th.*

22. q. a. 5. *Azor. c. 18. q. 3.*

Vel nisi aliquod pactum interueniat tacitum vel expressum, ut *Less: docet dub: 20. Soto de Inst: lib. 9. q. 7. a. 3.*

Aut etiam preces interponantur, apud alium in ipsius Collatoris vtilitatem. *Less.*

PUNCT: III.

Quomodo dignoscetur qui inseruit alicui Prælato, pro beneficio obtinendo, an sit Simoniacus?

R. In confessione tribus modis id cognosci potest:

1. Per distinctionem præpositionis, (pro) Nam potest importare, vel causam finalem, vel impulsiuam siue excitatiuam. Et quidem si dicat causam finalem, videlicet quod spes beneficii moueat, tanquā finis principalis & immediatus ad inseruendum, procul dubio erit Simonia. *quod si tantum exierit & impellet, finis tamen immediatus est salarium, aut alius iustus vel honestus respectus: tunc non erit Simonia*

Quod si tantum exierit & impellet, finis tamen immediatus est salarium, aut alius iustus vel honestus respectus: tunc non erit Simonia

nia, vt sequenti puncto patebit, vbi etiam periculum aperietur.

Hanc doctrinam fere suppedi-
tare videtur Nauar. c. 23. n. 100. ibi
Quarto. Declarationem verò ter-
minorum videre poteris in opere
moral. Sanch. lib. 4. c. 2. n. 38.
& de Matrimonio lib. 8. c. 21. n. 8.
Et c. 30. n. 9.

2. Dignosci potest ex discussio-
ne intentionis. Nam si obsequia
sumit pro precio assequendi bene-
ficio: ita quod ex vi obsequio-
rum immediatè expectat illud, &
est quasi emens ipsum, ac proinde
simoniacus.

Quod si non ex vi seruitii, sed
fauoris comparandi per obsequia
sperat beneficium non est simonia-
cus. Quod in sequenti puncto me-
lius declarabitur.

3. Ex medio. Nam si pactum
mediat & interuenit, vt loco stipen-
dii, aut etiam cum illo accipiat be-
neficium. *Vide Azor t. 3. lib. 12. c.*
18. q. 2. Et Less. lib. 2. c. 35. d. 20.

PUNCT: IV.

*Quomodo per munus à manu à lin-
gua & obsequio committatur
Simonia?*

Munus à manu (secundum D. Gre-
gorium) est pecunia, & omne do-
num, quod intuitu obtinendi spi-
rituale datur, vt equus, torques,
annulus.

Talia si dantur ex pacto, erit Si-
monia cōpleta si absque pacto, sed

cum intentione secreta obtinendi
rem spiritualem, erit Simonia men-
talis. Si verò dantur ad concilian-
dam amicitiam tantum, non erit Si-
monia: verum periculosum est.

Less: lib: 2. c. 35. dub. 20.

Munus ab obsequio, si quis ob-
sequium præstet Episcopo, Colla-
tori, &c. vel inferuiat iisdem cum
expresso vel tacito pacto, vt bene-
ficio compenietur, aut saltim tali
intentione non manifestata, erit Si-
monia. *Less: lib: 3. c. 35. dub: 20.*

Si verò, vt ipse, serui scientiam &
dexteritatem perspectam habens,
mouetur ad conferendum ei bene-
ficio, non erit Simonia in foro
conscientiæ, etiam si gratis seruiat,
dummodo non intendat obligare
tacito aliquo pacto Collatorē, nec
ipse sentiat se esse obstrictum. Nō
enim præstas obsequia, vt Episco-
pum obliges, sed vt talenta tua ei
innotescant. *D. Th. & Less.*

Ad conciliandam verò amicitiam
inferuire, æquè periculosum est, ac
in munere à manu. *Lessius.*

A lingua, vt laus & vituperatio,
patrocinium aduocati, commen-
datio apud Principem, & alios, ad
fauorem humanum comparandum,
& odium vitandum: hoc enim of-
ficio est pretio æstimabile. Vnde
si quis hoc principaliter intendit,
vel in pactum deducit expressè vel
tacitè, Simoniacus est.

De precibus satis dictum est.

PUNCT: V.

Quis Simoniacus sit ipso Iure suspensus vel excommunicatus?

R. Simoniacus realis in ordine, est ipso facto suspensus ab omniū ordinum executione. *Less. d. 24. & præterea est excommunicatus cum Papali reservatione. In beneficio verò Simoniacus est tantum excommunicatus. Similiter Simoniacus per confidentiam non tantum realis, sed etiā cōventionalis, translato beneficio est excommunicatus. Lege Nauar. n. 110. & Less. 5.*

Pro cuius declaratione sciendum est?

Quod omnis Simonia pœna æterna gehennæ punitur, nisi hic per Sacramentum Pœnitentiæ expietur.

Mentalis vltimū peccatum mortale, nulla pœna iuris afficitur, siue sit purè mentalis, siue etiā peruenierit (absque pacto tamen) ad actū exteriorem dandi vel accipiendi: adeo ut etiam ad restitutionem in nullo casu sit obnoxius talis simoniacus. *Nau. c. 23. n. 111. Val. de Sim. disp. 6. p. 6.*

Quamuis Sotto contrarium sentiat de Iust. lib. 9. q. 8. a. 1. quo ad simoniam mentalem quæ ad dandum accipiendumq; peruenit. Conventionalis præter peccatum mortale, quod ei commune est cum mentali, potest etiam puniri in foro exteriori, si officio deferretur.

Illæ verò Conventionalis, quæ est ex altera tantum parte completa, obli-

gat ad restituendum id quod est acceptum, & quidem statim ante condemnationem. Val. vbi sup. Restitutio quidem rei temporalis fieri debet danti (quamuis per sententiam iudicis in pœnam ipsa priuari possit.) Rei verò spiritualis non danti sed superiori, nisi restitui nequeat, ut Sacramentum vel Sacramenti character. Quoad pœnas realis simoniæ, distinguendum est: Nam vel est in ordine, vel in beneficio, vel in religionis ingressu.

Itaq; Simoniacus realis & mediotores, tam in ordine quam in beneficio, omnes sunt ipso iure excommunicati, cum reservatione Papali. Nau. n. 111. Val.

Simoniacus in ordine tantum, præter excommunicationem est ipso iure suspensus cum reservatione Papali. *Val. Simoniacus verò in beneficio, non est ipso iure suspensus, sed tantum excommunicatus.*

Et præterea omnis dispositio beneficiaria, ut presentatio, electio, collatio, per realem Simoniam, est nulla, & consequenter quæsitum per illam, debet dimitti etiam ante sententiam, & quidem cum fructibus; quia iure naturali relinquenda est res aliena.

Est quoq; talis inhabilis ad idem beneficium obtinendum. Res autem temporalis per simoniam data restitui debet Ecclesiæ, in cuius præiudicium admissa est vel pauperibus, si in nullius Ecclesiæ damnum, vel ignominiam id cessit: post sententiam tamen.

Val

Val. Less. Simonia confidentie p.e. nis superat omnes superiores. Vide eas apud Less. lib. 2. cap. 35. dub. 26. Cn. 149. Nau. C. 23. n. 108.

Ad extremum notandum est quod tradunt. Nau. Val. & Azor. t. 3. li. 12. cap. 21. q. 6. Quod nullus Simoniacus est ipso iure excommunicatus præter simoniacum realem in ordine & beneficio.

Cuius contrarium Less. dub. 22. significat, quoad simoniam ob religionis ingressum, quod videlicet tam dantes quam accipientes sunt ipso

facto excommunicati per Urbani. 4. Extrauag. quæ incipit sane in vinea Domini. Capitula verò aut Conuentus suspensionis pænæ subiacent. Quæ tamen pænæ intelliguntur, interueniente petitione vel exactio- ne directa aut indirecta. Nam sponte oblata (omni pactione cessante) licet recipere, sicut & dotem exigere: (sic determinante Marti 5. & Clem. 7.) non quidem pro ipso ingressu religio- nis, sed pro alimentis Monialis, maxime si Monasterium sit tenue.

TITVLVS XI.

De Censuris.

Habet puucta 7.

PVNCTVM I.

Quot sunt Censuræ?

R. Tres. Excommunicatio, Su-
spensio, & Interdictum.

PVNCT: II.

Quid importat Censura?

R. Accomodatione & vsu Eccle-
siæ importat pœnam spiritualemente
ueram, medicinale tamen, ac pro-
inde temporalem.

PVNCT: III.

Quæ est differentia inter Censuras?

R. Quia Excommunicatio directe
priuat communionem fidelium: Su-

suspensio, Ministerio Ecclesiastico
Interdictum Officiis & rebus diui-
nis.

PVNCT: IV.

*Quæ est Excommunicatio maior
& minor?*

R. Excommunicatio minor est illa,
quæ priuat sola perceptione Sacra-
mentorum, seu passiuo vsu Sacra-
mentorum: ita quod peccat mor-
taliter ingerens se Sacramentis su-
scipiendis.

Et hæc non incurritur nunc, nisi
in duobus Casibus communicatio-
nis, cum Excommunicato: scilicet,
cum percussore Clerici notorio: &

publi-

publicè nominatimque Excomunicato.

Maior verò omni communione fidelium priuat.

Nam priuat inprimis Sacramentis tam conferendis quam suscipiendis.

2. Orationibus & suffragijs Ecclesie.

3. Communione quoque ciuili.

Habetque multos alios effectus, Quos videre poteris in Suar. de Censuris & Nauar.

Quinque autem excusant non vitantem excommunicatos.

1. Ignorantia. 2. Necessitas. 3. Utilitas. 4. Coniugium. 5. Subiectio. *Nau. c. 27. n. 26. & Suar.*

PVNCT: V

Irregularitas est inhabilitas propter quandam indecentiam, impediens directe ac primariò suspensionem Ordinum Ecclesiasticorum, consequenter verò vsum eorū.

PVNCT: VI.

Quot sunt irregularitatis species.

R. In particulari sunt 12. species Irregularitatis. Et quidem sex sunt propter indecentiā inculpabilem: propter verò indecentiam culpabilem similiter sex.

Inculpabilis est vt 1. Defectus naturalium. 2. Defectus corporalis. 3.

Bigamia. 4. Administratio iustitiæ in causa sanguinis & concursus ad eam. 5. Interfectio & mutilatio in bello iusto. 6. Defectus libertatis vt in mancipiis.

Culpabilis. 1. Sacramenti iniuria, vt est in rebaptizatione. 2. Censuræ violatio, vt puta, si quis irretitus eis attentet suspensionem vel exercitium Sacrorum Ordinum. 3. Hæresis. 4. Homicidium. 5. Mutilatio. 6. Infamia.

PVNCT: VII.

An Confessarius tempore Iubilæi possit cum Irregulari dispensare?

R. Non potest nisi Bulla hoc exprimat.

Non solet autē id conce dereimò regulariter excipit.

Sed etiam si non exciperet expresse, non propterea possent Confessarij dispensare, quia concessio in nulla clausula contineretur.

Non sub absolutione à peccatis & censuris, cum irregularitas non absoluitur, sed dispensetur.

Neq; sub potestate data supra vota & iuramenta: quia datur facultas commutandi, non dispensandi.

Et si daretur potestas dispensandi, illa statim limitaretur ad vota & iuramenta duntaxat, & non in sua amplitudine concederetur.

CORRECTIONES PRÆCIPUORVM.

Folio 5. ad punct. 7. dicendum sic. Resp. Duobus modis

1. Ratione imperfectionis actus. scilicet, propter surreptionem vel imperfectam deliberationem. 2. Ratione paruitatis materiæ. *Decis. lib. 1. cap. 14.*

Fol. 6. numerus II. ponitur, sed male, Punct. 1. in Resp.

lege excusaretur. Fol. 28. Punct. 5. dele vendatur. legematur.

Fol. 9. Allegationes addo Decis. lib. 1. cap. 5.

Fol. 12. punct. 3. legendum sic, Ad semel in anno.

Fol. 9. colum. 2. versu 5. vide, licet. lege videlicet.

o iustitiæ
ursus ad
ilatio in
bertatis

nti iniu-
2. Cen-
is irreti-
nem vel
num. 3.
5. Mu-

II.

*ubilai
saree
hoc ex-*

ercim ò

*xpresse,
larij di-
lla clau-*

*catis &
non ab-*

*pra vo-
Facultas*

*nsandi,
& iu-
ua am-*


*ndatur. lege
l. i. cap. 5.
n anno.
et.*




12-

5.00

Wash
all year
17 Jan
by





WIBK

W. JARUDA
Bakal
Intelligenter
Erfahrer

